

覆手也當舉揚對答以手反覆指陳之也二字想是當時俗語今禪家升座說法亦然言此道說來似差異却又真實豈不是箇大舉揚話柄人何不問此而自迷惑為有能以已之不迷解人之迷使之亦復於不迷則庶幾都不迷矣雖無問者猶冀有能開悟之神仙中人用心往往如此

南華真經循本卷之二十三

南華真經循本卷之二十四 二一五 曰四

廬陵竹峯羅勉道述
門人 彭祥點校

雜篇

則陽

則陽遊於楚夷節言之於王王未之見夷節歸彭陽 姓彭 見王果曰夫子何不譚我於王王果曰我不若公閱休彭陽曰公閱休奚為者邪曰冬則獨鼈于江夏則休乎山樊有過而問者曰此于宅也

彭陽好進故以隱者語之使其自悟

夫夷節已不能而況我乎吾又不若夷節夫夷節之為人也無德而有知不自許以之神其交 句 固顛冥乎富貴之地非相助以德相助消也夫陳者假衣於春暘者反冬乎冷風夫楚王之為人 句 也形尊而嚴其於罪也無赦如虎非夫佞人正德其孰能撓焉故聖人其窮也使家人忘其貧其達也使王公忘爵祿而化卑其於物也與之為娛矣其於人也樂物之通而保已焉故或不言而欲 人 以和

與人並立而使人化父子之宜 句 彼其乎歸居而一聞其所施其於外人心者若是其遠也故曰待公閱休

不自許以之神其交者屈已隨人而人莫測其所以也凍者過春即為衣暘者遇冷風即反而為冬喻楚王雖沈酣於利欲之中得人誘掖之亦易從也佞人指夷節之徒正德指公閱休之徒撓屈服之佞人則以佞辭屈服之正人則以正道屈服之也化卑化為卑屈也與人並立而化父子之宜與他人並立而化為父子之親也彼其手贊歎而言彼其人手或藏或用皆不動念外去常人利欲之心如此其遠也此段此于宅也以上說公閱休夫夷節已不能至相助消也說夷節夫陳者至其孰能撓焉說楚王故聖人以下又說從公閱休上聖人達網繆周盡一體矣而不知其然性也復命搖作而以天為師人則從而命之也憂乎知而作行恒無幾 上 時其有止也若之何網繆事理輟轉處惟聖人為能達之周徧

一身無非此理而不知其所以然所謂性之也其靜也歸根復命其動也撼搖興作皆合乎天人則從而名之為聖人憂乎知而所行恒無幾即人生不滿百常懷千歲憂之意

生而美者人與之鑑不告則不知其美於人也若知之若不知之若聞之若不聞之其可喜也終無已人之好之亦無已性也聖人之愛人也人與之名不告則不知其愛人也若知之若不知之若聞之若不聞之其愛人也終無已人之安之亦無已性也此以人稱聖人舊國舊都望之暢然雖使丘陵草木之緜入之者十九猶之暢然況見見聞聞者也以十仞之臺縣音衆衆間音上者也冉相氏得其環中以隨成與物無終無始無幾無時日與物化者一不化者也

暢然喜也緜合也衆間望鏞以問之間環中空虛之地也望舊國都者無不喜雖草木緜合十塞其九猶為之喜况見所見聞所聞如以十仞臺縣衆樂誰不見誰不聞

乎如冉相氏得其中空之理日與物化而未嘗化

闔帶合上之闔何也含棄置也何嘗累置事物不與之交際哉

夫師天而不得師天與物皆殉其以為事也若之何夫聖人未始有天未始有人未始有始未始有物與世偕行而不替所行之備而不誨其合之也若之何湯得其司御門尹登恒為之傳之從師而不固得其隨成為之司其名之名贏法得其兩見仲尼之盡慮為之傳之容成氏曰除日無歲無內無外

天者自然若要去法他便不是自然世有不安其自然而以身殉物其以之為事也若之何言其為事不能合道也聖人則併天無之又何有所謂人所謂始所謂物雖與世並行而不足以妨廢雖應事接物所行周備不至陷溺其合於道也若之何言自然合道也兩若之何是兩意門尹登恒或謂即伊尹湯得門尹登恒為師不局於

規矩隨寓而成功然所成者不過為湯司其名使湯得見稱於天下然名乃身外餘刺之法於本分上何益但得人見得君相兩箇好看耳而仲尼之徒方且整其思慮以為時君之傳過矣未引容成氏之言曰歲之所以得名為歲者以三百六十日積而名之若除去日則無歲矣人能自其一念微處除之則無外名之累矣無內故無外

魏瑩與田侯平約田侯平背之魏瑩怒將使人刺之犀首聞而耻之曰君為萬乘之君也而以匹夫從讎街請受甲二十萬為君攻之虜其人民係其牛馬使其君內熱發於背然後拔其國忌也出走然後扶其背折其脊奪子聞而耻之曰蔡十仞之城城者既十仞矣則又壞之此胥靡之所苦也今兵不起七年矣此王之基也衍亂人不可聽也華子聞而醜之曰善言伐齊者亂人也善言多伐者亦亂人也謂伐之與不伐亂人也者又亂人也君曰然則若何曰君求其道而已矣惠子聞

之而見戴晉人晉人曰有所謂蝸者君知之乎曰然有國於蝸之左角者曰觸氏有國於蝸之右角者曰蠻氏時相與爭地而戰伏尸數萬逐北旬有五日而後反君曰噫其虛言與曰臣請為君實之君以意在四方上下有窮乎君曰無窮曰知遊心於無窮而反在通達之國若存若亡乎君曰然曰通達之中有魏於魏中有梁於梁中有王與蠻氏有辯乎君曰無辯客出而君恟然若有亡也客出惠子曰夫吹管也猶有嗚也吹劍首者吹而已矣堯舜人之所譽也道堯舜於戴晉人之前譬猶一吷也

於倭人也羞聞其言而况親見其身乎而何以為存乎路往視之其室虛矣
蟻丘之漿蟻丘地賣漿者也登極升屋棟而望也稷稷東也聖人僕聖人之徒也畔疆也陸沈居平陸而沈淪猶言市隱也是其市南宜僚邪宜僚亦隱於市南而人不識也何以為存言必逃也
長梧封人問子牢曰君為政焉勿鹵莽音魯治民焉勿滅裂昔子為耒耕而鹵莽之則其實亦鹵莽而報子芸而滅裂之則其實亦滅裂而報子子來年變齊音齊深其耕而熟稷之其禾繁以滋子終年厭殮莊子聞之曰今人之治其形理其心多有似封人之所謂適其天離其性滅其情亡其神以眾為故鹵莽其性者欲惡之孽為性萑葦葭葭始萌以扶吾形尋擢吾性
欲惡始萌之時謂可以扶吾形隨即擢亂吾性始字與尋字相呼喚俗讀兼葭始萌為句者可笑
並瀆漏發不擇所出漂疽疥癬內熱溲膏是也

以眾為言如此者多也孽妖也尋即也擢拔也溲膏溲溺出膏也甘亂性之病
栢矩學於老聃曰請之天下遊老聃曰已矣天下猶是也又請之老聃曰汝將何始曰始於齊見辜人焉音辜推而強之
推者尊尚之強之者起其羸困
解朝服而幕之號天而哭之曰子乎子乎天下有大當音當子獨先離之曰莫為盜莫為殺音殺人為甘禁等立然後親所病貨財聚然後親所爭今立人之所病聚人之所爭窮困人之身使無休時欲無至此得乎古之若人者以得為在民以失為在己以正為在民以枉為在己故一形有失其形者退而自責本則不然匿為物而愚不識大為難而罪不敢重為任而罰不勝遠其塗而誅不至民知力竭則以偽繼之日出多偽士民安取不偽夫力不足則偽知不足則欺財不足則盜盜竊之行於誰責而可乎
蘧伯玉行年六十而六十化未嘗不始於是也

之而卒誦之以非也未知今之所謂是之非五十九非也萬物有生主而莫見其根有手出而莫見其門人皆尊其知之所知而莫知恃其知之所不知而後知可不謂大疑乎已乎已且無所逃此所謂然與然乎

與乎皆疑辭言違伯玉自以為知曰十九年之非未可為其知也

仲尼問於太史大弢伯常齋孫章曰夫衛靈公飲酒湛樂不聽國家之政田獵畢弋不應諸侯之際也其所以為靈公者何邪大弢曰是因之也

上是字此也下是字人所是也因人所是

伯常齋曰夫靈公有妻三人同濫而浴史緡奉御而進所向持幣而扶翼其慢若彼之甚也見賢人若此其肅也是其所以為靈公也孫章曰夫靈公也死卜葬於故墓不吉卜葬於沙丘而吉掘之數仞得石槨焉洗而視之有銘焉曰不馮其子靈公奪而埋之夫靈公之為靈也久矣之二人何足以識之

搏持也扶翼使人扶助之也不憑其子其子不可托也

少知問於大公調曰何謂丘里之言大公調曰丘里者合十姓百名而以為風俗也合異以為同散同以為異今指馬之百體而不得馬而馬係於前者立其百體而謂之馬也是故丘山積卑而為高江河合水而為大人合弁而為公是以自外入者有主而不執由中出者有正而不距四時殊氣天不賜故歲成五官殊職君不私故無名無名故無為無為而無不為時有終始世有變化槁槁淳淳至有所拂者而有所宜自殉殊面有所正者有所差比于大澤百材皆度觀乎大山木石同壇此謂丘里之言

大人合弁而為公是以自外入者中有公道為主而不執滯由中出者外有公道相是正而不距絕不賜者不以為恩時有終始世有變化不可執一也淳淳實也福善禍淫皆實理有所拂逆者或有所宜即寒翁失馬未必非福自殉殊面有所正者有

所差者人各以私意自殉如面不同而欲有所正之反有所差失

少知曰然則謂之道足乎大公調曰不然今計物之數不止於萬而期曰萬物者以數之多者號而讀之也是故天地者形之大者也陰陽者氣之大者也道者為之公因其大以號而讀之則可也已有之矣乃將得比哉則若以斯辯譬猶狗馬其不及遠矣

已有道之名矣安得又以他物比之哉若以他物比之譬猶引狗馬為喻愈遠矣

少知曰四方之內六合之裏萬物之所生惡起大公調曰陰陽相照相蓋相治四時相代相生相殺欲惡去就於是擣起雌雄片合於是庸有安危相易禍福相生緩急相摩聚散以成此名實之可紀精之可志也隨序之相理橋運之相使窮則反終則始此物之所有言之所盡知之所至極物而已觀道之人不隨其所廢不原其所起此議之所止橋起橋然高起片合分合也精之可志精微之記志也言之所盡知之所至極物而

已言到盡處知到至處不過止於物而已
惟見道之人不隨物之終不原物之始歸
之無有此辯論之所以息也

少知曰季真之莫為接于之或使二家之議
孰正於其情孰偏於其理大公謂曰雞鳴狗
吠是人之所知雖有大知不能以言讀其所
自化又不能以意其所將為斯而折之精至
於無倫大至於不可圍或之使莫之為未免
於物而終以為過

莫為者莫有為之者孟子曰莫之為而為
者天也或使者或有使之然者孟子曰行
或使之二子之說其不同如此斯辟碎也
詩曰斧以斯之斯而折之則微而至於無
倫大而至於不可圍詩所謂毛猶有倫上
天之載無聲無臭至矣所謂莫為或使未
免猶有物而終有差矣
或使則實莫為則虛有名有實是物之居無
名無實在物之虛可言可意言而愈疏未生
不可忘已死不可阻死生非遠也理不可親
或之使其之為疑之所假吾觀之本其往無

窮吾求之末其來無止無窮無止言之無也
與物同理或使莫為言之本也與物終始道
不可有有不可無道之為名所假而行或使
莫為在物一曲夫胡為於大方言而足則終
日言而盡道言而不足則終日言而盡物道
物之極言默不足以載非言非默議有所極
不可忘不可禁也

南華真經循本卷之二十四

正一天師清微弟子百堅製作
道教學術資訊網

南華真經循本卷之二十五

廬陵竹峯 羅勉述
門人 彭祥黉校

雜篇

外物

外物不可必故龍逢誅比干戮箕子狂惡來
死桀紂亡人主莫不欲其巨之忠而忠未必
信故伍員流于江甚於死干蜀藏其血三年
而化為碧人親莫不欲其子之孝而孝未必
受故孝已憂而曾參悲木與木相摩則然金
與火相守則流陰陽錯行則天地大絃
於是乎有雷有霆水中有火雷火又能焚木獨
雨而雷霆乃水中有火雷火又能焚木獨
言槐者以槐木取火之本
有甚憂兩陷而無所逃隳音隳又音隳於音隳於音隳
不得成心若隳於天地之間尉音尉於音尉沈音沈
也音也利害相摩生火甚多衆人焚和月固
不勝音不勝火於是乎有債音債然而道盡
此却言人心之火亦有人甚憂其兩陷如
前所言木與木相摩金與火相守者而卒